

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

ab Hierusalem per circuitum usque ad Illyricum omnia replevit Evangelio Christi, Rom. 15. v. 19. qui enim operatus est Petro in Apostolatum circumcisio[n]is, operatus est etiam Paulo inter gentes, Gal. 2. v. 8. & hoc ipso ostendit, quod non tantum sit Deus Iudeorum, sed etiam Deus Ethnico[r]um, Rom. 3. v. 29.

Laudate igitur Dominum hodie in die Pauli omnes gentes, laudate eum omnes populi, quoniam confirmata est super nos misericordia ejus, & veritas Domini manet in æternum. Halleluja, Ps. 117. v. 1. 2.

Nos sine ulteriori præloquio Evangelium prælectum ad manus sumemus, quod duabus partibus absolvitur, ut sunt

I. Petri impudentia.

II. Christi benevolentia.

J. J.

EXEGESIS.

Obstupuit sine dubio tota Regia Belsatensis, generosum & sublimem in Danièle Propheta animum divitias & honores à Rege oblatis, qualia erant: torqueum aureum gestare, purpurā vestiri, tertium in regno esse, heroicā quadam constantia repudiisse, his verbis: munera tua sint tibi, & dona domus tuæ da alteri, Dan. 5. v. 16. 17.

Longè aliter Petrus affectus est, qui nihil frustra facere sibi firmiter proposuit, & sine dubio præmia Danieli oblata duabus manibus apprehendisset. Hinc Domine, inquit, in prælecta pericope, nos omnia reliquimus, & secuti sumus te, quid erit nobis? Quibus verbis impudentiam suam prodit bifariam:

I. Meriti exaggeratione. Nam ecce, inquit, hoc est, probè considera, omnia reliquimus & secuti sumus te. Hac quæstione suppeditat nobis

t. *Materiam imitandi*, ne cor terrenis apponamus, Ps. 62. v. 11. aut iisdem illaque-
emur, 1. Tim. 6. v. 9. Sed prompti simus
propter Deum & nomen ejus cum Petro o
mnia relinquere, qui enim aurum diligit,
non justificabitur, &c. Sir. 31. v. 5. seqq. A-
ristippus Philosophus aurum suum in mare
projiciebat, & cum prohiberetur ab amicis,
latius est, inquit, ut hæc ab Aristippo, quam
ut Aristippus ab his mergatur.

Eandem promptitudinem Scriptura in
Abrahamo depraedicat, Genes. 12. vers. 4.
Ebr. 11. v. 8. Julitta matrona nobilis, cum
bonorum confiscatione ab Evangelii veri-
tate hostes ipsam tentarent revocare, ani-
mosè respondebat: valeat vita, pereat pe-
cunia, famula Christifum. Sequamur hæc
exempla, dilecti, & tempore persecutionis
rapinam bonorum nostrorum cum gaudio
suscipiamus, cognoscentes, quod meliorem
& manentem mansionem in cœlo habeamus, Ebr. 10. v. 34.

2. *Materiam execrandi.* Duo enim hæ-
c via in Petro concurrunt, quæ maximè fu-
gienda sunt:

1. *Superbia in verbis vel dictis*, quibus
Christo odiosè exprobrat desertionem bo-
norum, quam ipsius gratiâ suscepérat; Hanc inurbanitatem Christianus quilibet
cavere debet. Pudeat te, inquit Siracides,
beneficium exprobrare amico, cap. 42.
vers. 28. quid enim exprobrabis, quod ipsi
debes? Rom. 13. v. 8. Hinc pulchre Sene-
ca: Hæc beneficii inter duos lex est, alter
statim debet obliuisci dati, alter verò nun-
quam accepti. Qui dedit beneficium ta-
ceat, narrat qui accepit, quod & Christus
requirit, quando in eleemosynarum ero-
gatione non vult scire sinistram, quod facit
dextra, Matth. 6. v. 3.

Tt

2. *Fidu-*

2. Fiducia in factis. Quia enim ad vocationem Christi omnia reliquit, jam supra modum illud exaggerat, & in opere fiduciam collocat. Sed perperam. Nam si omnia feceritis, quæ præcepta sunt vobis, dicite, servi inutiles sumus, quod debuimus facere fecimus, Luc. 17. v. 10. vera charitas non est mercenaria, inquit Bernhardus. Compensat quidem Deus pietatem ex gratia, ut patet ex testimonio Scripturæ, Ps. 19. vers. 12. 34. vers. 10. 61. v. 6. Matth. 10. v. ult. Sed illa compensatio non ut meritum acceptanda, multò minus postulanda est, quia ex mera gratia datur, ut docet parabola Matth. 20. v. 1. seqq.

II. Præmii postulatione. Nam quid erit nobis, inquit, hoc est, ut Hieronym. explicat, quid præmii reportabimus? Vide te dilecti, quanti Petrus æstimet rete & naviculam suam, quales adhuc multos invenias, qui ea quæ propter Evangelii veritatem vel deserunt vel sufferunt, non satis de prædicare possant, & cælum propterea sibi iure deberi confidunt. Sed toto cælo errant, ut patet ex Matth. 20. v. 13. Rom. 11. v. 6.

Pontificii ex hoc loco astruere satagunt

i. Monachatum. Sed frustra! Apostoli non sponte suâ hoc vitæ genus elegerunt, sed speciatim ad hoc ipsum à Domino vocati sunt, & propter nomen Christi, vel propter Evangelium in toto mundo per ministerium suum de prædicandum, bona sua reliquerunt. Quid hoc ad Monachos? qui sponte suâ ex opinione meriti ad statum perfectiorem obtinendum in cœnobia se conferunt, ubi lautissimè vivant, & elemosynas pauperum in delitiis abliguriunt, viventes de tritico, & bibentes avæ sanguinem meracissimum. Parum est: Impinguantur & dilatantur adipe frumenti, ut

Bernhardus de hoc vitæ genere loquitur. Nullum usquam in S. literis habemus præceptum, quod exemplo Apostolorum hac in partenos conformare & paupertatem vere debeamus. Christus habuit loculos & pecuniam, Joh. 13. v. 29. conf. Joh. 4. v. 8. & 6. v. 7. Apostoli rā ista Joh. 16. v. 32. nullib[ile] leguntur mendicasse, sed laborarunt potius, & alios ad laborem hortati sunt Act. 20. v. 34. Joh. 21. v. 3. seqq. 1. Tim. 5. v. 13. 2. Thess. 3. v. 12. nam satius est mori quam mendicare, Sir. 40. v. 29.

2. Cælibatum. Quia enim Petrus ait: Reliquimus omnia, uxores etiam post Apostolarum suscepimus reliquisse, & officio conjugali Apostolos renunciasse, Bellarmin. inferre non dubitat, præsertim cum Christus in responsione sua explicit quasi quid per relinquere omnia intelligendum sit, nimirum pater, mater, uxor, liberi &c. v. 29. sed ex præcedenti disputatione cum adolescente divite palam fit, quod non de uxori bus, sed de bonis & possessionibus duxat relinquentis hic agatur. Quod autem Christus uxorum etiam meminit, de coacta non voluntaria desertione intelligendum est, quando tempore persecutionis uxor marito à latere quasi divellitur & ad mortem raptatur, ibi cum Petro prompti & patientes esse debemus, qui uxorem suam, cum ad martyrium educeretur ita adhortatus est ad constantiam: Memineris ô mea Domini, tales sunt beatorum nuptiæ, &c. Item quando uxor deficit à fide, & cum uxore Lothi respicit, Luc. 17. v. 32. adeoque virum etiam blanditiis suis tentat, ut fidem abneget, quod Eva praxis demonstrat, Gen. 3. v. 6. noli parere, sed desere potius uxorem, ne salutis naufragium patiaris, 1. Tim. 1. v. 19. Hæc est vera Christis sententia, aliás vin-

vinculum conjugii tām firmum est, ut non nisi morte solvatur, Matth. 19. v. 6. nec ul-
lum dāsi potest exemplum, quod Aposto-
lorū aliquis uxorem suam reliquerit, sed
potius circumduxerunt illas, 1. Cor. 9. v. 5.
imō Paulus requirit ab Episcopo, ut sit u-
nius uxoris vir, qui domui sua & liberis be-
nē p̄s̄it, 1. Tim. 3. v. 2. 4. melius enim est
nubere quam urī, 1. Cor. 7. v. 9.

De Secundo.

RESTAT pars altera de *benevolentia Chri-*
sti, quam declarat

I. Placidā responsione. Meritus qui-
dem erat Petrus & Apostoli non levem cor-
rectionem, nihilominus Christus amicē re-
spondet, non enim clamabit, neque exalta-
bit, neque in platea faciet audire vocem
suam, calamus quassatum non conteret,
neque linum fumigans extingueret, Esa. 42.
v. 2. 3.

Parem lenitatem & mansuetudinem ex-
hibere debemus proximo nostro, quando
lapsu aliquo p̄occupatus est, juxta admo-
nationem Pauli, Gal. 6. v. 1. in primis Eccle-
siarum ministri, ne debacchentur in audi-
tores suos, quando per infirmitatem huma-
nam fines pietatis & honestatis transgressi
sunt, sed mansueti sint ad omnes, 2. Tim. 2.
v. 24. & ut filios moneant, 1. Cor. 4. v. 14.
cum omni patientia & doctrina, 2. Tim. 4.
v. 2. si quando det ipsis Deus p̄tentiam
ad cognoscendam veritatem, ut resipiscant
a Diaboli laqueis, a quo captivi tenentur ad
ipsius voluntatem, 2. Tim. 2. v. 25. 26. Si
verò lenitate nihil efficitur, cornua Mosis
imponenda, & qui peccant publicē coram
omnibus redargendi sunt, 1. Tim. 5. v. 20.
qui haec in parte tacent, canes muti appel-
lantur, Es. 56. v. 10. & gravissimam Deo e-

lim reddituri sunt rationem, Ezech. 3. vers.
18. 19.

II. Præmii promissione, quæ est

1. Jurata. Nam amen dico vobis, in-
quit, idque in majorem rei assertæ certitudi-
nem, ut de eo, quod dicturus erat, nil quic-
quam dubitarent. Epicuræi præmium illud
in dubium vocant, dicentes: vanum est ser-
vire Deo, & quid emolumenti ex ea re per-
cipimus, quod cultum ejus exercemus, &
quod pullati incedimus coram Domino ex-
ercituum. Ergo nunc beatos dicimus con-
temptores, &c. sed locuti sunt timentes Do-
minum unusquisque cum proximo suo, &
attendit Dominus, & audivit, & scriptus est
liber monumenti coram eo timentibus Do-
minum, & cogitantibus nomen ejus. Et e-
runt mihi, ait Dominus exercituum, in die
quam ego facio, in peculium, & parcam eis,
sicut parcit vir filio suo servienti sibi. Tunc
apparebit, quid sit inter justum & impium,
& inter servientem Deo, & non servientem
ei, Mal. 3. v. 14. seqq. ô beatos igitur, quo-
rum causâ Deus jurat! ô infelices, qui nec
Deo juranti credere volunt, inquit Tertul-
lianus. Sufficeret nuda promissio, est e-
nim Deus qui non mentitur, Tit. 1. v. 2. sed
abundantius ostendere volens hæreditibus
promissionis immobilitatem consiliis, in-
terposuit jusjurandum, ut fortissimum so-
latum habeamus, Ebr. 6. v. 17. 18.

Attendamus igitur, ne divinam promis-
sorum bonorum remunerationem in dubiū
vocemus, sed pergamus in cursu pietatis ad
præfixam metam, ut bravum vita æternæ
consequamur, Phil. 3. v. 14. 1. Cor. 9. v. 24.

2. Conditionata. Nam his tantum præ-
miū illud promittitur, qui Christū sequun-
tur, veriq; & genuini ejus sunt discipuli. Er-
rat igitur Zwinglius, quando saniores Eth-
nicos